

INUIT ATAQATIGIIT

INATSISARTUNI



UPA 2014/153/1

14. maj 2014

Harald Bianco

Kalaallit Nunatsinni ilinniartut tamani ilinniartut pisariaqartitsineq naapertorlugu danskisut pikkorissarneqarnissamik periarfissinneqaaqqullugit Ilinniartitaanermut Pilersaarutaat II-mut Naalakkersuisunit qulakkeerneqaaqqullugu Inatsisartut aalajangiiffigisassaattut siunnersuut.

(Inatsisartunut ilaasortaq Mimi Karlsen, Inuit Ataqatigiit)

Siullermik Inuit Ataqatigiinnit Mimi Karlsen Inuit Ataqatigiinneersoq qutsavigaarput siunner-suummut saqummiussaanut!

Siunnersuummut tunngasumik Inatsisartuni oqallittarnerit una siullersarinngilaat. Oqaatsit eqqartorneqartillugit amerlasuutigut partiinit tamanit isumaqatigiiffiusumik ujartorneqartarpoq, ilinniartut ingammik ilinniartut assassorfiunerusunut iserniartarnermi qallunaat oqaasiinik piginnaasakinneq pissutaalluni ilinniakkamik aallartissinnaasannginneq.

Inuit Ataqatigiinnit naalakkersuinikkut sulinitinni pingaartitatta annerit ilagivaat ilinniagaqarnikkut siuarsajuarnissaq. Tassami ilinniagaqarnerup imminut pilersorsinnaaneq annertunerusoq pilersittussaammagu, soorlu siunnersuuteqartoq oqartoq.

Siunnersuuteqartup siunnersuuteqarnermigut siunertaa, iliniartut iserniartarnermi aporfusartup tassa qallunaatut piginnaasaqarneq killeqartillugu ilinniartut iserniartarnermi aporfujartup qaangerniarnissaanut pitsaangorsaatissaq Inuit Ataqatigiinnit paasilluarlugu ilalerparput. Ilumoorsinnaangilarmi nunatsinni karakterip minnerpaaffissaa 6-imiitillugu sanasunngorniarluunniit ilinniartut isersinnaatitaanngitsoq, Qallunaat nunaanni karakteri apeqqutaanngimmat ilinniartut Danmarkimi ilinnialersinnaassappat nunatsinniunngitsoq, tamanna ajorluinnarpoq.

Pikkorilluinnaraluit danskisut 5-rsimammata ilinniarnissaminnut itigartitaasarnerat eqqortuusinnaanngilaq. Socialmedhjælperinngorniaranni pisinnaasassaq annerpaaq tassaavoq inulerillaqqinnissaq. Ullumikkut inulerillaqqissoq itigartinneqartarpoq danskisut nalorsarmat. Tassa ilinniartut ikorfartugassaat, danskisut piginnaasaqarnerulersillugu.

Inuit Ataqatigiinnit isumaqarlunnarpugut, nunatsinni ilinniartut ilinniartitaanikkut qaffassaaneq pimoorullugu peqataaffigisariaqaraat aamma qallunaatut ilinniaqqinnerup ingerlatitaanerani. Ilumoorsinnaangilarmi nunarput namminersulersimasoq allat oqaatsit aatsaat atorsinnaagaanni ilinnialerniartut akuerisassagutsigit.

Inuit Ataqatigiinnit taamatut oqaaseqarluta siunnersuut tamakkiisumik taperserparput, ataatsimiititaliamullu susassaqartumut ingerlateqqillugu.